



Niusleta blong CdG – Namba #1

Mesej blong Presiden blong CdG



Ol dear papa mama mo ol fren blong LFIPV,

Long behalf blong Komite blong Manajemen (CdG), mifala i wantem talem tank yu tumas long evriwan we i kam long Annual General Meeting (AGM) we i bin tek ples long Tasde 9 Oktoba 2025. Wetem 34 memba i kam stret mo 55 proxy, yumi kasem quorum mo Bajet blong 2026 i pas.

Mifala i glad blong kasem quorum, be mifala tu i luksave se namba blong ol papa mama we i kam i smol. From skul blo yumi hemi wan komuniti skul, presens mo patisipasen blong yufala i impoten tumas. Mifala i wantem enkarejem yumi ol parents blong kam joenem ol miting long fiuja mo tek pat long olketa impoten disisen.

Blong mekem AGM i isi moa blong evriwan, naoia mifala i givim:

- Ol live translesen sevis,
- PowerPoint mo dokumen long Inglis, Franis, Chinese, mo Bislama
- Ol sapoting infomesen we i moa klia.

Trast mo patisipasen blong yufala i mekem se sistem blong governance blong yumi i strong. Wetem ol tija, ol represetatif blong AEFE, mo ol volentia parents, mifala CdG stap wok blong mekem se skul blong yumi i stap long wan ples blong ekselens, inkluken mo gudfala komuniti spirit.

Mifala i wishim yumi evriwan wan sef mo hapi en blong yia. Lukim yu bakagen long 2026!

— Nicolas Monvoisin, President, CdG

Ol Haelaet blong AGM

AGM blong yia ia i kivem plante impoten apdet blong skul blong yumi. Ol key topik oli bin:

- Wan lukluk long AEFE netwok mo proses blong renew akreditisen blong skul,
- Ol namba blong enrolmen long las sikis yia i kam we i soam se klosap 100 moa studen bitim taem long bifo,
- Presentesen blong Bajet 2026, inkludem operesen, staf mo investmen,
- Wan apdet long projek blong ekstensin,
- Diskasen long sola sastenabiliti mo hau blong yusum long fiuja,
- Kwesten mo ansa long sekuriti, klasrum mo fiuja re-organisesens.

Miting ia i soem strong cooperation bitwin manajemen, staf mo ol parents.

Bajet 2026

Bajet blong 2026 i bin lukluk bigwan long:

- Jenj long enrolmen,
- Nid blong moa staf, mo
- Presa blong inflasen.

Ol key figa:

- Operesen kost: daon long 7% (58.3 milien VT long 2026, aenst 62.5 milien VT long 2025)
- Staf kost: antap long 1% (347.0 milien VT long 2026, aenst 343.5 milien VT long 2025)
- Investmen: fokus long enaji impruvmen, niu ekipmen mo ekstensin blong skul

Seving long operesen i help blong balansem hae staf kost, mekem se finans blong skul i stap stret.

Blong mitim AEFE standed, kipim enrolmen i stap stret, mo manajem kost blo ol samting, skul fee i go antap 5% bakagen long evri level.

Apdet long Projek blong Ekstensin

Projek blong ekstensin hemi wan big step long developmen blong LFIPV – wan niu tu-storey bilding blong saens, teknologi mo studen laning.

Graon floa i gat:

- Ofis blong student laef
- Wan multi-yus rum blong hae skul / miting
- Teknologi rum
- 3 lab
- 3 storum
- Toilet blong studen
- Akses ramp blong ol pipol wetem disabiliti


Floa antap i gat:

- 6 klasrum
- Wan miting rum
- Komputa rum wetem seva ples
- Toilet blong studen mo tija

Taemlain:

- En blong 2025: Finisim ol aritek mo strakta plan
- Stat blong 2026: Faenans mo tender proses
- 2026: Konstraksen
- **Ekspektem open: Stat blong skul yia 2028**

Desaen i protektem grin ples mo i gat wan sentral faré blong sed mo studen miting. I no gat parking long saet, be mifala i wok wetem Public Works blong mekem akses i sef mo studen i no mas wokbaot tumas.



Manajemen blong Projek

CdG i bin apointem Cyrille Mainguy (MCEPM – Mainguy Construction Engineering Project Management) blong manajem projek blong ekstensin. Disisen ia i bin tekem afta wan proses blong karem ol kwot mo komperim gud.

Mifala jusum MCEPM from:

- Gudfala wok we oli bin mekem finis (inkludum aketek sapot),
- Strong lokol eksperiens, mo
- Oli mekem wan spesel low praes blong projek

CdG i bin agree long disisen ia, mo hemia i stap rekodem long miting minit.





Sam Key Kwesten blong ol Parent

1. Skul saplae: Bajet i go daon long 13%, be quality blo skuling bae i no drop from se mifala mekem plante pre-order lo ol samting blo givhan lo bajet ia.
2. Sastenabiliti: ekstensin bilding bae i redi blong yusum sola paoa mo gat strong environmen standed.
3. Skul fi mo salary blo ol tija: Negosesen i gohed mo i stap lo bajet.
4. Sekuriti mo trafik: Taemtaebol mo saet plan bae i help blong reduce studen wokbaot.
5. Jenj afta graon i sek: Plan i jenj from 3 floa go long 2 floa; libreri we oli plan bifo i no moa stap long graon floa.
6. Libreri (CDI): Niu bilding i no gat CDI, be olgeta bae i biggenem CDI we i stap finis afta internal re-organisesen.

Evri vot i go long sapot blong Bajet 2026 (0 agens, 1 abstensen).

Tok Tank Yu



CdG i talem bigfala tangkyu long:

- Proviseur Francis Baquié, Primary
Direktar Vincent Baraud, mo RAF Lavinia
Russet blong lidaship mo strong wok
tugeta.
- Ol represetatif blong Franis embasi –
Yannick Le Roux (COCAC) mo Delphine
Monnier (Consul) blong sapot.
- Ol papa mama mo famili blong trast mo
involvmen blong yufala.

Tugeta, umi evriwan i mekem se LFIPV i stap
long wan sef mo kaen ples we pikinini oli
lanem long wan gudfala envaeromen.



Lukluk Go Long 2026

1. Stat tender proses blong ekstensin
projek
2. Karem 6 niu tija (4 long Febwari, 2 long
Ogis)
3. Mekem moa strong anti-bullying wok
4. Gohed blong develop multilingual
langwis polisi
5. Mekem komunikesen bitwin CdG mo
famili i moa gud – stat wetem disfala
niusleta

Mifala i stap redi blong kipim yufala i save ol
apdet long yia ia.



Stap kivem tingting

Sapos yufala i gat kwestin, tingting o aedia blong fiuja niusleta, plis kontaktem:
Adam Trau – trau22@gmail.com